



## Universitätsbibliothek Paderborn

**Exempla, In Septem Capitalivm Vitiorvm Detestationem,  
Per Qvadragesimam, An. 1646. narrata**

**Stengel, Georg**

**Ingolstadij, 1649**

§. 27. Se ipsos occidentum insania.

[urn:nbn:de:hbz:466:1-49161](#)

nis. Laici duellantes excommunicantur: clerici excōmunicantur & suspenduntur: quin & prouocantes ad duellum, effectu non sequuto, vti & acceptantes incident in excommunicationem. Nunquid hoc est & suam animam vita spirituali priuare, & alienam? Quisquis igitur in tali duello vel occidit, vel occiditur, uno vulnere & corpus & animam perdit. Huc ira dicit, si frēno non cohibetur.

Sed his omnibus longè amentius sibi fortunisq; suis irascuntur, qui impatientia intemperijsque eò adiguntur, vt sibi ipsis statuant inferre manus violentas. Sic, vt de Pyramo & Thysbe nihil dicam, ac ijs, qui eos insanis amoribus imitantur; seque ipsos interimunt, quando ijs frui non possunt; apud Græcos Ajax, apud Hebræos rex Saul, in proprium gladium incubuit. Sic Achitophel videns, quod non fuisset factum consilium suum, disposta domo sua suspendio interiit. Quo mortis genere etiam Iudas animam suam, ex arbore in Orci barathrum, præcipitauit. Herodes quoque mortem sibi ipse consciuit, ne se diutius viuum vermibus permitteret epulandum. Quod & de Pontio Pilato refert Gregorius Turonensis. Apud Ethniços innumeris

**XXVII.**  
SE IPSOS  
OCCIDEN-  
TIVM IN-  
SANIA.

2. Reg. L

2 Reg. 17.  
23.

tales extiterunt. Ibi non tantum Dido, & eius soror Anna; non Cleopatra modò & Lucretia; neque sola Euadne, Biblis, Sappho, Iocasta, Phædra, Phyllis, Anatolia, & alii desperati spiritus feminæ; sed etiam Aegeus Atheniensis, Hæmon Thebanus, Mopsus Cretensis, Annibal Carthaginensis, Cleomenes Spartanus, Dinocrates Messenius, Eratosthenes Cyrenæus; quin & ipse ille fortissimus Poëtarum Hercules, voluntaria se se morte peremerunt. Occurrunt nostræ quoque ætatis exempla quotidiana, in quibus quid aliud docetur, quam irâ furentes eò impelli, ut sibi ipsi & vitam eripiant, & animam in æterna supplicia mittant, de brevibus huius vitæ molestijs, ad nunquam desinendos inferni cruciatus transituram? Quanta bestia est ira, quæ tales ex hominibus bestias facit? immo bestijs truculentiores? Paucæ enim se ipsas necant. Cum scorpione possunt autothanati isti venire in comparationem. Circulum si quis faciat ex ardentibus prunis, in coronæ modum, humili circumfusis, atque in medium injiciat viuum scorpionem, videt illico caloris impatientem anxiè discursare, & jam hîc, jam ibi exitum tentare. Si videt se querere frustre, hinc igne, inde ira exardescens,

scens, retortâ in tergum caudâ se ipsum interimit. Ad hunc modum exstuant multi, cùm rerum suarum exitum non inueniunt: tunc enim à morte petunt remedium, quasi cum vita calamitates finirent; quas nequam, hac via fugiunt, sed incurruunt, augent, & de breibus ac paruis magnas atque aternas faciunt, more illius, qui ad littus obambulans, ne à pluviaaspergeretur, in mare insiliuit. Patiens non irascitur. Humilis non curat si parui pendatur.

Ad hunc modum ira, à diabolo orta, crescit in homine, ut rationem excæctet, voluntatem præcipitet, consulentes non audiat, nemini, nec Deo, nec ipsi irascenti parcat. Et clemens foret, si in corpus tantum sœuaret; nunc in ipsam quoque animam est truculenta. Nec debent sibi blandiri, qui se non interemerunt irascentes. Siquidem & sanctorum hominum animas hic affectus subindequatit. Etsi enim illæ tam plumbeas iras non habeant, ut illis semper in Infernum mergantur, grauantur tamen sëpe usque ad Purgatorium. Quàm pauci enim primos statim impatientiæ motus, comprimunt? Quàm rari iram non fouent recordatione iniuriarum? Quàm proclives sumus ad diæta, vel facta-

XXVIII,  
VARIT  
IRAE MO-  
TUS ETI-  
AM PRO-  
BORIBVS  
INFESTI.